

Daurah Tafsir 2018
Darul Kautsar Kuchelong

Ringkasan Tafsir al-Qur'an
Berpandukan Struktur
Makro Surah-Surah

oleh : Maulana Muhammad Asri Fusoff

Nota 1

Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun mengikut tahun	Bilangan Paragraf
1	Al-Fatihah	7	1	Makkiyyah	Ke-4 / ke-5	4



Zaman Diturunkan

Surah al-Fatihah adalah surah yang mula-mula sekali diturunkan dengan lengkap. Ia diturunkan di zaman permulaan Islam, ketika mana Rasulullah berda'wah secara sulit di Mekah. Sebelumnya telah pun diturunkan kepada Rasulullah s.a.w. beberapa ayat daripada Surah al-'Alaq, al-Muddatsir dan al-Muzzammil.

Antara Keistimewaannya

(1) Ia mempunyai beberapa nama. Antara lainnya ialah Fatihatul Kitab, Ummul Kitab, as-Sab'u al-Matsani dan lain-lain.

(2) Allah sebagai Tuhan Maha Pencipta (الخالق) sendiri telah mengurniakan sebuah doa yang paling ideal untuk makhluk ciptaannya yang paling ajaib di alam semesta ini, manusia. Doa itu berupa Surah al-Fatihah. Ia amat sesuai dan betul-betul menepati fitrah kejadian manusia itu sendiri.

Kelebihan Dan Fadhilat Surah Al-Fatihah

Di sana terdapat beberapa hadits Rasulullah s.a.w. yang menyatakan kelebihan dan fadhilat Surah al-Fatihah. Antara lainnya ialah:

(1)

عَنْ أَبِي هُرَيْرَةَ ، رَضِيَ اللَّهُ عَنْهُ ، قَالَ : قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : أُمُّ الْقُرْآنِ هِيَ السَّبْعُ الْمَثَانِي وَالْقُرْآنُ الْعَظِيمُ

Bermaksud: Rasulullah s.a.w. bersabda: Ummul Qur'an (Surah al-Fatihah) adalah tujuh ayat yang diulang-ulang bacaannya dan al-Qur'an yang agung. (Hadits riwayat al-Bukhari dan Ahmad).

(2)

عَنْ ابْنِ عَبَّاسٍ قَالَ بَيْنَمَا جِبْرِيلُ قَاعِدٌ عِنْدَ النَّبِيِّ -صَلَّى اللَّهُ عَلَيْهِ وَسَلَّمَ- سَمِعَ نَقِيضًا مِنْ فَوْقِهِ فَرَفَعَ رَأْسَهُ فَقَالَ هَذَا بَابٌ مِنَ السَّمَاءِ فَتِيحَ الْيَوْمِ لَمْ يَفْتَحْ قَطُّ إِلَّا الْيَوْمَ فَنَزَلَ مِنْهُ مَلَكٌ فَقَالَ هَذَا مَلَكٌ نَزَلَ إِلَى الْأَرْضِ لَمْ يَنْزِلْ قَطُّ إِلَّا الْيَوْمَ فَسَلَّمَ وَقَالَ أَبَشِرْ بِنُورَيْنِ أُوتِيَتْهُمَا لَمْ يُوْتِيهُمَا نَبِيٌّ قَبْلَكَ فَاتِحَةُ الْكِتَابِ وَخَوَاتِيمُ سُورَةِ الْبَقَرَةِ لَنْ تَقْرَأَ بِحَرْفٍ مِنْهُمَا إِلَّا أُعْطِيَتْهُ

Bermaksud: Kata Ibnu 'Abbaas, ketika Jibril sedang duduk di samping Nabi s.a.w. Tiba-tiba ia mendengar suara pintu dibuka dari arah atas kepalanya. Lalu malaikat Jibril berkata: "Itu adalah suara salah satu pintu langit yang dibuka, sebelumnya ia belum pernah dibuka sama sekali kecuali pada hari ini." Lalu turunnlah daripadanya malaikat. Jibril berta: Ini adalah malaikat yang hendak turun ke bumi, sebelumnya ia belum pernah turun ke bumi sama sekali kecuali pada hari ini saja." Lalu ia memberi salam dan berkata: "Bergembiralah atas dua cahaya yang diberiikan kepadamu dan belum pernah diberikan kepada seorang pun sebelummu, iaitu Fatihatul Kitab (Surahal-Fatihah) dan penutup Surah al-Baqarah. Tidaklah kamu membaca satu huruf dari keduanya kecuali pasti akan diberikan kepadamu." (Hadits riwayat Muslim, an-

Nasaa'i, Abu Ya'la, at-Tabaraani, al-Haakim, Ibnu Abi Syaibah dan lain-lain).

(3)

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: لَا صَلَاةَ لِمَنْ لَمْ يَقْرَأْ بِفَاتِحَةِ الْكِتَابِ

Bermaksud: Sesungguhnya Rasulullah s.a.w. bersabda: Tiada sembahyang bagi orang yang tidak membaca Fatihatil Kitab (Surah al-Fatihah). (Hadits riwayat al-Bukhari, Muslim dan lain-lain).

(4)

فَاتِحَةُ الْكِتَابِ سُورَةٌ لَمْ يَنْزَلْ فِي التَّوْرَةِ وَلَا فِي الْإِنْجِيلِ وَلَا فِي الزَّبُورِ وَلَا فِي الْقُرْآنِ مِثْلَهَا

Bermaksud: Tidak pernah turun sama ada di dalam Taurat, Injil atau Zabur dan Qur'an seumpama Surah al-Fatihah. (Hadits riwayat Ahmad, Ibnu Khuzaimah, Tirmidzi, an-Nasaa'i dan lain-lain).

Kelebihan Ucapan آمين Secara Khusus

Ma'na آمين ialah terimalah (doa kami). Selepas selesai membaca Surah al-Fatihah kita disuruh Nabi mengucapkannya. Lihat saja hadits baginda berkenaan di bawah ini:

عَنْ أَبِي هُرَيْرَةَ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ : إِذَا أَمَّنَ الْإِمَامُ فَأَمَّنُوا ، فَإِنَّهُ مَنْ وَافَقَ تَأْمِينُهُ تَأْمِينَ الْمَلَائِكَةِ غُفِرَ لَهُ مَا تَقَدَّمَ مِنْ ذَنْبِهِ

Bermaksud: Nabi s.a.w. bersabda: "Apabila imam mengucapkan 'Aamin', kamu ucapkan juga 'Aamin' (bersamanya). Kerana orang yang ucapan Aaminnya berbetulan dengan Aamin para malaikat, diampunkan dosa-dosanya yang terdahulu." (Hadits riwayat al-Bukhari dan Muslim).

Kesinambungan Surah Al-Fatihah Dengan Dua Surah Terakhir Di Dalam Al-Qur'an

Al-Qur'an diakhiri dengan dua surah yang memproklamasikan sifat rububiyyah Allah, رب الناس dan رب الفلق. Surah al-Fatihah juga dimulakan dengan puji-pujian kepada Allah sebagai Rab (Tuhan) bagi sekalian alam, الحمد لله رب العالمين. Ini bererti ia juga memproklamasikan sifat rububiyyah Allah seperti dua Surah di penghujung al-Qur'an itu.

Kesedaran tentang adanya Tuhan sebagai Rabb (Tuhan yang mempunyai sifat rububiyyah) itulah yang mendorong manusia memuji, memuja dan memohon segala hajat kepadaNya.

Beberapa Kata Kunci Terpenting Di Dalam Surah Al-Fatihah

- (1) الحمد . Pujian dan segala bentuknya. Atau pujian yang sempurna dan lengkap.
- (2) الحمد لله . Perkataan الحمد yang digabungkan dengan الله memberi erti syukur kepada Allah.
- (3) رب bererti penjaga, pemelihara, pengasuh, pendidik, tuan, pemilik, pencipta dan lain-lain.
- (4) الرحمن atas wazan فعلا merupakan isim mubalaghah yang memberi erti Tuhan yang rahmatNya Maha luas dan sempurna.
- (5) الرحيم atas wazan فعيل merupakan isim sifat yang memberi erti Tuhan yang rahmatNya berterusan dan berkekalan.
- (6) الدين bererti ugama, cara hidup, balasan baik dan buruk atau ganjaran dan hukuman. Ia juga bererti pengadilan yang sebenar. Inilah yang dimaksudkan di sini. Setelah mempercayai adanya hari kiamat, mempercayai pula bahawa hanya Allah s.w.t. jua yang berkuasa pada hari itu. Dialah yang akan mengadili manusia, kemudian memberikan balasan yang baik atau buruk kepada mereka.
- (7) عبادة . Ibadah mempunyai tiga pengertian. Pertama, penghambaan. Kedua, keta'atan. Dan ketiga, pemujaan.
- (8) استعانة bererti meminta dan memohon pertolongan, khususnya Dalam perkara-perkara yang di luar kemampuan manusia hanya kepada Allah.

Struktur Makro Surah Al-Fatihah

Surah al-Fatihah mengandungi empat paragraf. Paragraf pertama berbicara tentang adab doa. Paragraf kedua tentang kelayakan Allah sebagai tempat memohon doa. Paragraf ketiga tentang lafaz doa yang sebenarnya. Dan paragraf keempat ialah tentang keterangan dan perincian doa.

(1) Ayat 1 hingga 4 merupakan paragraf pertama Surah al-Fatihah. Di Dalamnya dinyatakan adab doa.

Sebelum mengemukakan doa yang sebenarnya hendak disampaikan kepada Allah, manusia diajar adabnya, iaitu mereka hendaknya terlebih dahulu memuji Allah menggunakan nama-nama sifatNya yang indah. Mereka hendaklah mengaku tentang RububiyahNya, RahmaniyyahNya, RahimiyyahNya dan juga MalikiiyyahNya.

(2) Ayat 5 merupakan paragraf kedua. Ia menyatakan kelayakan Allah sebagai tempat

memohon doa. Kenapa Dia yang harus kita tujukan segala doa? Jawabnya ialah Kerana Dialah yang kita ta'ati, kita sembah dan kita puja. Dialah yang kita percaya sebagai Pencipta Yang Maha Berkuasa. Kita pula adalah hamba-hambaNya. Maka tidak ada sesuatu yang lain yang layak disembah dan ditujukan doa selain Dia, Tuhan yang mencipta kita, Tuhan yang dita'ati dan disembah oleh kita. Itulah ertinya اياك نعبد و اياك نستعين . Kerana beribadat kepadaNya jualah manusia hanya layak berdoa kepadaNya. Tidak ada orang lain atau sesuatu yang lain yang layak diminta pertolongan oleh manusia, sebagaimana tidak ada orang lain atau sesuatu yang lain yang layak disembah olehnya.

(3) Ayat 6 adalah paragraf ke-tiga. Di Dalamnya terkandung doa yang sebenarnya hendak diminta, iaitu اهدنا الصراط المستقيم (tunjukilah kami jalan yang lurus).

Ini sebenarnya adalah doa yang paling lengkap dan ideal. الصراط المستقيم adalah jalan tauhid yang merupakan seruan utama al-Qur'an dan as-Sunnah. Dengan melalui jalan itu manusia akan mendapat keredhaan Allah dan akan dapat memasuki syurga yang abadi.

(4) Ayat ke-7 merupakan paragraf ke-empat dan terakhir di Dalam Surah al-Fatihah. Di Dalamnya terdapat keterangan dan perincian tentang doa yang diminta, baik yang bersifat positif atau negatif.

(a) الصراط المستقيم adalah jalan orang-orang yang telah mendapat ni'mat daripada Allah. Mereka terdiri daripada para nabi, shiddiqin, syuhada' dan shalihin. (Lihat an-Nisaa':69).


(b) الصراط المستقيم bukan jalan orang-orang yang dimurkai Allah, seperti golongan Yahudi. (Lihat al-Baqarah:90, al-Maa'idah:60).

(c) الصراط المستقيم bukan juga jalan orang-orang yang sesat, seperti golongan Nashara atau Kristian. (Lihat an-Nisaa':44).

Mesej Utama Surah

اهدنا الصراط المستقيم (tunjukilah kami jalan yang lurus). Doa inilah sebenarnya merupakan mesej utama Surah al-Fatihah. Ia adalah permintaan hamba kepada Tuhannya, agar ditunjukiNya jalan yang lurus di sepanjang perjalanan hidup si hamba. Hamba memohon kepada Tuhan supaya memberi hidayah dan taufiq kepadanya untuk melakukan amal saleh dengan ikhlas di sepanjang hayatnya, sehingga apabila ia mati, ia berhak dan layak memasuki syurga.

Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
2	Al-Baqarah	286	40	Madaniyyah	87	4



Zaman Diturunkan

Sebahagian besar daripada ayat-ayat di dalam Surah al-Baqarah diturunkan pada tahun ke-2 Hijrah. Ayat-ayat yang berkaitan dengan pengharaman riba bermula

daripada ayat 275-281 mungkin sekali baru diturunkan pada tahun ke-10 Hijrah. Tiga ayat di penghujung Surah sememangnya telah diturunkan sebelum Hijrah lagi. Selepas Surah al-Baqarah diturunkan Surah at-Thalaq. Sebelum perang Badar pula telah turun Surah Muhammad. Dan selepas perang Badar diturunkan Surah al-Anfaal.

Kelebihan Dan Fadhilat Surah Al-Baqarah

Beberapa hadits telah dinukilkan daripada Rasulullah s.a.w. berhubung dengan kelebihan dan fadhilat Surah al-Baqarah. Antaranya:

(1)

أَنَّ رَسُولَ اللَّهِ -صلى الله عليه وسلم- قَالَ « لَا تَجْعَلُوا بُيُوتَكُمْ مَقَابِرَ إِنَّ الشَّيْطَانَ يَنْفِرُ مِنَ الْبَيْتِ الَّذِي تُقْرَأُ فِيهِ سُورَةُ الْبَقَرَةِ

Bermaksud: Sesungguhnya Rasulullah s.a.w. bersabda: “Janganlah kamu jadikan rumah-rumahmu kubur. Sesungguhnya syaitan lari dari rumah yang dibaca di dalamnya Surah al-Baqarah. (Hadits riwayat Muslim, an-Nasaa’i dan lain-lain).

(2)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ اقْرَءُوا سُورَةَ الْبَقَرَةِ فَإِنْ أَخَذَهَا بَرَكَهٌ وَتَرَكَهَا حَسْرَةً وَلَا تَسْتَطِيعُهَا الْبَطَلَةُ

Bermaksud: Rasulullah s.a.w. bersabda: “Kamu bacalah surah al-Baqarah. Kerana membacanya membawa keberkatan, meninggalkannya (tidak membacanya) menyebabkan penyesalan dan pembacanya tidak dapat dikuasai (dikalahkan) oleh tukang-tukang sihir. (Hadits riwayat Muslim, at-Thabaraani, Abu `Awaanah, Ibnu Hibbaan dan lain-lain).

(3)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ اقْرَءُوا الْقُرْآنَ فَإِنَّهُ يَأْتِي يَوْمَ الْقِيَامَةِ شَفِيعًا لِأَصْحَابِهِ اقْرَءُوا الزَّهْرَ وَزَيْنَ الْبَقَرَةِ وَسُورَةَ آلِ عِمْرَانَ فَإِنَّهُمَا تَأْتِيَانِ يَوْمَ الْقِيَامَةِ كَأَنَّهُمَا غَمَامَتَانِ أَوْ كَأَنَّهُمَا غَيَائَتَانِ أَوْ كَأَنَّهُمَا فِرْقَانِ مِنْ طَيْرٍ صَوَافٍ تُحَاجَّانِ عَنْ أَصْحَابِهِمَا اقْرَءُوا سُورَةَ الْبَقَرَةِ فَإِنْ أَخَذَهَا بَرَكَهٌ وَتَرَكَهَا حَسْرَةً وَلَا تَسْتَطِيعُهَا الْبَطَلَةُ

Bermaksud: Rasulullah s.a.w. bersabda: “Bacalah kamu al-Qur’an, kerana ia akan datang pada hari kiamat nanti sebagai pemberi syafa’at kepada orang-orang yang membacanya. Bacalah dua surah yang gilang-gemilang, (Surah) al-Baqarah dan Surah Aali `Imraan, kerana kedua-duanya akan datang pada hari kiamat nanti sebagai dua kumpulan awan atau sebagai dua payung besar atau sebagai dua kumpulan burung yang terbang berbaris-baris dengan tujuan membela pembaca-pembacanya. Bacalah surah al-Baqarah. Kerana membacanya membawa keberkatan, meninggalkannya

(tidak membacanya) menyebabkan penyesalan dan pembacanya tidak dapat dikuasai (dikalahkan) oleh tukang-tukang sihir. (Hadits riwayat Muslim, at-Thabaraani, Abu Awaanah, Ibnu Hibbaan dan lain-lain).

(4)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِنَّ لِكُلِّ شَيْءٍ سَنَامًا، وَإِنَّ سَنَامَ الْقُرْآنِ سُورَةُ الْبَقَرَةِ

Maksudnya: Rasulullah s.a.w. bersabda: “Sesungguhnya setiap sesuatu ada puncaknya. Dan sesungguhnya puncak al-Qur’an itu adalah Surah al-Baqarah. (Hadits riwayat al-Haakim. Beliau mengatakan ia sahih. Dan Az-Zahabi memperakui kesahihannya).

Kelebihan Dan Fadhillat Ayat Al-Kursi Secara Khusus

Ayat ke-255 di dalam Surah al-Baqarah dipanggil Ayat al-Kursi. Beberapa hadits Rasulullah dinukilkan berkenaan dengan kelebihanannya. Antaranya ialah hadits-hadits di bawah ini:

(1)

عَنْ أَبِي بِنِ كَعْبٍ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ - « يَا أَبَا الْمُنْذِرِ أَتَدْرِي أَيُّ آيَةٍ مِنْ كِتَابِ اللَّهِ مَعَكَ أَعْظَمُ ». قَالَ قُلْتُ اللَّهُ وَرَسُولُهُ أَعْلَمُ. قَالَ « يَا أَبَا الْمُنْذِرِ أَتَدْرِي أَيُّ آيَةٍ مِنْ كِتَابِ اللَّهِ مَعَكَ أَعْظَمُ ». قَالَ قُلْتُ اللَّهُ لَا إِلَهَ إِلَّا هُوَ الْحَيُّ الْقَيُّومُ. قَالَ فَضَرَبَ فِي صَدْرِي وَقَالَ وَاللَّهِ لِيَبْهِنَكَ الْعِلْمُ أَبَا الْمُنْذِرِ

Bermaksud: Ubaiy bin Ka’ab meriwayatkan, katanya: Rasulullah s.a.w. bersabda (kepadanya): “Wahai Aba al-Munzir, tahukah kamu mana satu ayat al-Qur’an yang ada padamu yang paling agung?” Aku menjawab: “Allah dan RasulNya lebih tahu.” Kata Baginda: “Wahai Aba al-Munzir, tahukah kamu mana satu ayat al-Qur’an yang ada padamu yang paling agung?” Kata Ubaiy, Aku menjawab: “*اللَّهُ لَا إِلَهَ إِلَّا هُوَ الْحَيُّ الْقَيُّومُ*” (ayat al-Kursi).” Kata Ubaiy: “Terus beliau s.a.w. menepuk dadaku seraya bersabda: “Tahniahlah atas ilmumu wahai Aba al-Munzir! (Hadits riwayat Muslim, Ahmad, Abu Daud, an-Nasaa’i dan lain-lain).

(2)

عَنْ أَبِي أُمَامَةَ - رضي الله عنه - قَالَ: قَالَ رَسُولُ اللَّهِ - صَلَّى اللَّهُ عَلَيْهِ وَسَلَّمَ مَنْ قَرَأَ آيَةَ الْكُرْسِيِّ دُبُرَ كُلِّ صَلَاةٍ مَكْتُوبَةٍ لَمْ يَمْنَعْهُ مِنْ دُخُولِ الْجَنَّةِ إِلَّا أَنْ يَمُوتَ

Bermaksud: Rasulullah s.a.w. bersabda: Sesiapa membaca ayat al-Kursi selepas setiap sembahyang fardhu, niscaya tidak ada apa-apa lagi yang menghalangnya daripada

masuk syurga selain mati. (Hadits riwayat at-Tabaraani, an-Nasaa'i, Ibnu as-Sunni dan lain-lain).

(3)

Syaitan berupa manusia yang pernah hendak mencuri makanan, tiba-tiba ditangkap oleh Abu Hurairah yang berkawal menceritakan tentang kelebihan ayat al-Kursi. Ceritanya itu kemudiannya disahkan oleh Rasulullah s.a.w. Kata syaitan itu:

إِذَا أُوتِيَتْ إِلَى فِرَاشِكَ فَاقْرَأْ آيَةَ الْكُرْسِيِّ [اللَّهُ لَا إِلَهَ إِلَّا هُوَ الْحَيُّ الْقَيُّومُ] حَتَّى تَخْتِمَ الْآيَةَ فَإِنَّكَ لَنْ يَزَالَ عَلَيْكَ مِنَ اللَّهِ حَافِظٌ وَلَا يَقْرَبَنَّكَ شَيْطَانٌ حَتَّى تُصْبِحَ

Bermaksud: Apabila engkau telah ke tempat tidurmu, bacalah ayat al-Kursi [اللَّهُ لَا إِلَهَ إِلَّا هُوَ الْحَيُّ الْقَيُّومُ] hingga ke akhir ayat. Dengan membacanya akan terus ada pengawal daripada Allah yang mengawalmu dan syaitan sama sekali tidak akan dapat menghampirimu hingga ke pagi. (Hadits riwayat al-Bukhari).

Kelebihan Dan Fadhillat Dua Ayat Terakhir Surah Al-Baqarah Secara Khusus

Rasulullah s.a.w. telah bersabda:

الْآيَتَانِ مِنْ آخِرِ سُورَةِ الْبَقَرَةِ مَنْ قَرَأَهُمَا فِي لَيْلَةٍ كَفَّتَاهُ

Maksudnya: Dua ayat di akhir surah al-Baqarah, sesiapa membacanya pada sesuatu malam, ia akan cukup untuknya (pada malam itu)." (Hadits riwayat Bukhari dan Muslim).

Perkaitan Surah Al-Baqarah Dengan Surah Sebelum Dan Selepasnya

Di dalam Surah al-Fatihah telah tersebut golongan yang dimurkai Allah (المغضوب) (عليهم). Mereka adalah orang-orang Yahudi. Di dalam Surah al-Baqarah disebutkan kesalahan dan jenayah yang dilakukan oleh mereka di sepanjang sejarah. Di dalam Surah al-Fatihah juga telah tersebut golongan yang sesat (الضالين). Mereka adalah orang-orang Kristian. Di dalam Surah Aali `Imraan yang akan menyusul selepas Surah al-Baqarah ini pula disebutkan kesalahan dan jenayah yang dilakukan oleh mereka di sepanjang sejarah. Akibatnya mereka hilang kelayakan untuk menjadi pemimpin manusia. Hamba-hamba Allah yang sebenar dan mu'min sejati tidak akan mahu memilih jalan yang dilalui kedua-dua golongan itu.

Di dalam Surah al-Fatihah tersebut doa orang mu'min (اهدنا الصراط المستقيم). Ia diterima Allah, lalu sebagai respons terhadapnya Allah mengurniakan sebuah buku panduan

hidup. Itulah dia al-Qur'an. Ia dimulai dengan Surah al-Baqarah. Di permulaan Surah al-Baqarah, tersebut jaminan Allah berhubung dengan buku panduan hidup itu.

ذَٰلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ ﴿٢٠﴾

Maksudnya: Kitab Al-Quran ini, tidak ada sebarang keraguan padanya (tentang datangnya dari Allah dan tentang sempurnanya); ia merupakan petunjuk bagi orang-orang yang bertakwa. (al-Baqarah:2).

Beberapa Kata Kunci Terpenting Di Dalam Surah Al-Baqarah

(1) Di dalam Surah al-Baqarah perkataan بلى tersebut dua kali. Dinyatakan di dalamnya bahawa orang-orang Yahudi pernah ditegur dengan bermacam-macam cara kerana fahaman mereka yang salah. Mereka diperingatkan bahawa yang menentukan seseorang masuk syurga atau neraka ialah keimanan dan kekufurannya, demikian juga amal baik dan amal jahatnya.

Ayat ke-81 yang dimulai dengan perkataan بلى dijawab dengan ayat ke-112 yang juga dimulai dengan perkataan yang sama.

(a)

بَلَىٰ مَن كَسَبَ سَيِّئَةً وَأَحَظَّتْ بِهِ حَاطَّتُهُ ۖ فُؤَلَّتْ بِكَ أَصْحَابُ النَّارِ هُمْ فِيهَا خَالِدُونَ ﴿٨١﴾

81. (Apa yang kamu katakan itu tidaklah benar) bahkan sesiapa yang berbuat kejahatan dan ia diliputi (ditenggelamkan) oleh kesalahannya itu, maka merekalah ahli neraka, mereka kekal di dalamnya.

(b)

بَلَىٰ مَن أَسْلَمَ وَجْهَهُ لِلَّهِ وَهُوَ مُحْسِنٌ فَلَهُ أَجْرُهُ ۖ عِنْدَ رَبِّهِ وَلَا خَوْفٌ عَلَيْهِمْ وَلَا هُمْ يَحْزَنُونَ ﴿١١٢﴾

112. (Apa yang kamu katakan itu tidaklah benar) bahkan sesiapa yang menyerahkan dirinya kepada Allah (mematuhi perintahNya) sedang ia pula berusaha supaya baik amalannya, maka ia akan beroleh pahalanya di sisi Tuhannya, dan tidaklah ada kebimbangan (dari berlakunya kejadian yang tidak baik) terhadap mereka, dan

mereka pula tidak akan berdukacita.

Ayat-ayat ini sebenarnya merupakan perincian dan penjelasan bagi dua ayat di akhir bahagian pendahuluan struktur makro Surah al-Baqarah, iaitu ayat ke-38 dan juga ke-39.

(2) Melalui ayat ke-40: وَأَوْفُوا بَعْدِي أَوْفَ بَعْدِكُمْ (dan penuhilah janjimu kepadaKu, niscaya Aku penuhi janjiKu kepadamu), dinyatakan janji bersyarat oleh Allah kepada Bani Israil.

Tetapi mereka telah memungkir janji. Maka dilucutkanlah jawatan kepimpinan daripada mereka.

Ayat ke-152 juga merupakan janji bersyarat daripada Allah kepada umat Islam: فَاذْكُرُونِي أَذْكَرُكُمْ (Oleh itu, ingatlah kamu kepadaKu (dengan mematuhi hukum dan undang-undangKu), niscaya Aku ingat (pula) kepadamu).

(3) Ayat ke-47 dan ke-122 sebenarnya sama. Ini bererti ia diulangi dua kali di dalam Surah ini. Pada kedua-dua tempat itu Allah menyatakan kesalahan-kesalahan dan jenayah-jenayah yang dilakukan oleh Bani Israil setelah mereka dikurniakan begitu banyak ni'mat dan mereka dilebihkan daripada orang-orang lain di seluruh dunia.

يَبْنَئِ إِسْرَءِيلَ أَذْكَرُوا نِعْمَتِي الَّتِي أَنْعَمْتُ عَلَيْكُمْ وَأَنِّي فَضَّلْتُكُمْ عَلَى الْعَالَمِينَ ﴿١٢٢﴾

Maksudnya: Hai Bani Israel, ingatlah akan ni'matKu yang telah Ku anugerahkan kepadamu, dan Aku telah melebihi kamu atas segala umat.

Lalu setelah Bani Israil menderhakai Allah, tersingkirilah mereka daripada jawatan kepimpinan yang merupakan sebahagian daripada anugerah Allah kepada bangsa mereka. Mahkota kepimpinan yang dipakaikan Allah di kepala mereka وَأَنِّي فَضَّلْتُكُمْ عَلَى الْعَالَمِينَ, kemudiannya ditanggalkan.

Struktur Makro Surah Al-Baqarah

Surah al-Baqarah dapat dibahagikan kepada empat bahagian besar. Setiap bahagian yang besar ini mempunyai bahagian kecil pula di bawahnya. Masing-masing daripadanya mempunyai struktur makronya yang tersendiri. Terlebih dahulu dikemukakan di sini perincian tentang empat bahagian besarnya itu:

(1) 39 ayat di permulaan Surah ini merupakan muqaddimah.

(2) Bahagian kedua Surah bermula dari ayat ke-40 hingga ayat ke-142. Di dalamnya diisebutkan kesalahan-kesalahan dan jenayah-jenayah kaum Bani Israil. Ia dikemukakan satu per satu. Itulah sebabnya kenapa mereka disingkirkan daripada jawatan kepimpinan.

(3) Bahagian ketiga bermula dari ayat ke-143 hingga ayat ke-283. Di dalamnya disebutkan tentang peralihan kuasa daripada Bani Israil kepada Bani Ismail. Umat Islam di zaman awal disebut sebagai imam dan “ummatan wasatha” (umat terpilih). Mereka diberikan hukum dan syari’at terakhir melalui Nabi terakhir, Muhammad s.a.w.

(4) Bahagian terakhir Surah yang terdiri daripada tiga ayat merupakan penutup Surah. Di dalamnya disebutkan beberapa prinsip yang perlu dipegang oleh umat Islam untuk mereka berjaya mengatasi orang-orang kafir.

Di bawah ini dikemukakan empat bahagian besar yang terdapat di dalam Surah al-Baqarah:

Bahagian pertama	Bahagian kedua	Bagahian ketiga	Bahagian keempat
Bermula dari ayat 1 hingga ayat 39	Bermula dari ayat 40 hingga ayat 142	Bermula dari ayat 143 hingga ayat 283	Bermula dari ayat 284 hingga ayat 286
Pendahuluan	Perincian kesalahan dan jenayah yang dilakukan oleh Bani Israil serta keterangan tentang perlucutan jawatan kepimpinan daripada mereka.	Perlantikan umat Islam ke jawatan kepimpinan umat manusia	Penutup


Mesej Utama Surah

Mesej utama Surah al-Baqarah ialah mengisytiharkan penukaran kepimpinan. Kepimpinan Bani Israil bermula dari zaman Nabi Ya’qub dan Nabi Yusuf a.s., kira-kira pada tahun 1,900 sebelum Masehi, dan ia berterusan hingga ke zaman 610 Hijrah, iaitu apabila Muhammad s.a.w. dilantik menjadi nabi. Zaman kepimpinan dan kekuasaan mereka meliputi kira-kira 2,500 tahun. Kerana sikap Bani Israil yang melampaui batas dan tindak-tanduk mereka yang sentiasa melanggar hukum-hukum

ketentuan Allah, akhirnya setelah Nabi s.a.w. dilantik menjadi rasul, pangkat mereka ditarik dan jawatan kepimpinan yang ada pada mereka dilucutkan. Kemudian pangkat شهادة على الناس (menjadi saksi atas perbuatan manusia) diberikan kepada umat Islam dan gelaran umat yang adil dan terpilih (أمة وسطا) juga dikurniakan kepada mereka. Pangkat dan gelaran itu bahkan diberikan kepada umat Islam buat selama-lamanya hingga ke hari kiamat.

Bahagian Pertama Yang Merupakan Pendahuluan Bagi Surah Al-Baqarah

Ia bermula dari ayat 1 hingga ayat 39. Dan ia mempunyai 3 paragraf. Lihatlah gambar rajahnya di bawah ini:



Antara Isi Kandungan Terpenting Bahagian Ini

(1) Kelayakan Yang Mesti Ada Pada Manusia Untuk Dicalonkan Ke Jawatan Khalifah Allah Di Bumi, Setelah Ia Mempunyai Hak Memilih Antara Baik Dan

Buruk ialah Ia Akan Memilih Kebaikan.

(2) Kufur Dan Nifaq Mestilah Dijauhi.

(3) Seseorang Muslim Hendaklah Berusaha Menjadi Mu'min Yang Saleh Dan Benar.


(4) Sebagai Khalifah Allah Di Bumi, Hukum-Hakamnya Hendaklah Dilaksanakan Dengan Penuh Keikhlasan.

Bahagian Kedua Surah Al-Baqarah

16/05/2018
Ratu

Sebab-Sebab Bani Israil Tersingkir Dari Kepimpinan

Bahagian ini bermula dari ayat ke-40 hingga ayat ke-141. Dan ia dibahagikan kepada enam paragraf.



- Doa N. Ibrahim dlm al-Baqarah : 127 (kebangutan Nabi Muhammad)
Bergada berda supaya dlatatengkan naki 14 adlh hasil doa yang dimaklumkan
- ayat 138: Ann lita diseru supaya meninggalkan agama yahudi dan kristian lalu memilih agama yang baru (Islam).